

რეიტინგული სტუდენტების დაფინანსების წესი

1. წინამდებარე წესი განსაზღვრავს უნივერსიტეტის საბაკალავრო პროგრამის რეიტინგული სტუდენტის დაფინანსების წესებსა და პირობებს.
2. თითოეულ სკოლაში, თითოეულ ეტაპზე (I, II, III) ყოველწლიურად შეიძლება გამოვლინდეს მხოლოდ სამი რეიტინგული სტუდენტი.
3. რეიტინგი გამოითვლება თითოეული სკოლის პროგრამებზე რიცხული სტუდენტების ერთობლივი მონაცემების შესაბამისად (თბილისისა და ბათუმის ფილიალის შესაბამისი სკოლების ერთობლივი მონაცემების გათვალისწინებით).
4. რეიტინგულად შეიძლება ჩაითვალოს სტუდენტი თუ იგი აკმაყოფილებს შემდეგ პირობებს:

ა) სასწავლო ეტაპები ემთხვევა შესაბამისი საგანმანათლებლო პროგრამით განსაზღვრული სწავლების სტანდარტულ ეტაპებს;

ბ) გავლილი აქვს შესაბამისი ეტაპის პროგრამით გათვალისწინებული ყველა საგანი;

გ) მიმდინარე ეტაპზე სტუდენტის მიერ მიღებული ნიშნების საშუალო შეწონილი (GPA) აღემატება 3.8-ს (კალკულაციაში არ გაითვალისწინება საანგარიშო სასწავლო წელს გავლილი წინა ან მომდევნო ეტაპის საგნები);

დ) სწავლის სტანდარტულ III ეტაპზე წარმოდგენილი აქვს TOEFL სერტიფიკატი არანაკლებ 78 ქულისა ან IELTS სერტიფიკატი არანაკლებ 5.5. ქულისა;

ე) აკმაყოფილებს სამეცნიერო/სასკოლო აქტივობას, რაც გამოიხატება:

- კავკასიის სამართლის სკოლის, კავკასიის ეკონომიკის სკოლის, მედიცინისა და ჯანდაცვის მენეჯმენტის სკოლისა და კავკასიის ტურიზმის სკოლის სტუდენტს: შესაბამის სასწავლო წელს მიღებული აქვს მონაწილეობა სამეცნიერო კონფერენციაში;
- კავკასიის სახელმწიფო მართვის სკოლისა და კავკასიის ჰუმანიტარულ და სოციალურ მეცნიერებათა სკოლის სტუდენტს: შესაბამის სასწავლო წელს - II ან III ეტაპზე, მიღებული აქვს მონაწილეობა სამეცნიერო კონფერენციაში (ეს მოთხოვნა არ ვრცელდება I ეტაპის სტუდენტებზე);
- კავკასიის მედიის სკოლის სტუდენტს შესაბამის სასწავლო წელს მიღებული აქვს მონაწილეობა ან კავკასიის მედიის სკოლის სხვადასხვა მედია პლატფორმის საქმიანობაში (ონლაინ რადიო, ვებ-გვერდი, სოციალური ქსელები და სხვა); ან საუნივერსიტეტო დონეზე სკოლის მიერ განსაზღვრულ საქმიანობაში მედიისა და საზოგადოებასთან ურთიერთობების მიმართულებით; ან კავკასიის მედიის სკოლის სტუდენტურ სამეცნიერო კონფერენციაში. ჩამოთვლილი აქტივობები შესაბამისი წესით უნდა იყოს დადასტურებული;

- კავკასიის ტექნოლოგიების სკოლის სტუდენტს: შესაბამის სასწავლო წელს - II ან III ეტაპზე, მიღებული აქვს მონაწილეობა სამეცნიერო კონფერენციაში ან "სკოლის ორგანიზებულ ინოვაციურ პროექტში" (ეს მოთხოვნა არ ვრცელდება I ეტაპის სტუდენტებზე);

ვ) უკანასკნელი 1 სასწავლო წლის განმავლობაში სტუდენტს არ ააქვს შეფარდებული დისციპლინური პასუხისმგებლობის რაიმე ზომა;

ზ) არ არის მოხსნილი გამოცდიდან ან/და არ აქვს განულებული გამოცდის შედეგები;

თ) არ არღვევს უნივერსიტეტის შიდა ნორმატიული აქტებით განსაზღვრულ საუნივერსიტეტო წესებს.

5. თუ სტუდენტი რეიტინგში:

ა) დაიკავებს I ადგილს, მოეხსნება სწავლების მომდევნო (სტანდარტული) ეტაპის გადასახადი შესაბამისი პროგრამის მიხედვით გათვალისწინებული წლიური კრედიტების ფარგლებში;

ბ) დაიკავებს II ადგილს, გაუნახევრდება სწავლების მომდევნო (სტანდარტული) ეტაპის გადასახადი შესაბამისი პროგრამის მიხედვით გათვალისწინებული წლიური კრედიტების ფარგლებში;

გ) დაიკავებს III ადგილს, მოეხსნება სწავლების მომდევნო (სტანდარტული) ეტაპის გადასახადის 30%-ის გადახდის ვალდებულება შესაბამისი პროგრამის მიხედვით გათვალისწინებული წლიური კრედიტების ფარგლებში;

6. რეიტინგული სტუდენტის მიერ შესაბამისი პროგრამით გათვალისწინებულ წლიურ კრედიტებზე მეტი საგნების არჩევის შემთხვევაში, სტუდენტი თავად უზრუნველყოფს შესაბამისი კრედიტების ღირებულების გადახდას.

7. თუ დასაფინანსებელ აკადემიურ სასწავლო წელს რეიტინგული სტუდენტი არ აითვისებს დაფინანსების პირობით განსაზღვრულ კრედიტებს, დარჩენილ კრედიტებზე დაფინანსება არ გადადის მომდევნო სასწავლო წელზე;

8. გამონაკლისის სახით რეიტინგში მონაწილეობას იღებენ საზღვარგარეთ გაცვლითი პროგრამის ფარგლებში მივლინებული ის სტუდენტები, რომელთაც არა აქვთ აკადემიური დავალიანება.

9. თუ გაცვლით პროგრამაში მონაწილეობა მიღებულ სტუდენტთა სწავლის ეტაპები არ ემთხვევა სწავლების სტანდარტულ ეტაპს ან/და თუ უნივერსიტეტის მხრიდან ვერ მოხდება შესაბამისი ეტაპის პროგრამით გათვალისწინებული საგნების შეთავაზება, რეიტინგი დგინდება მიმდინარე ეტაპზე სტუდენტთა მიერ გავლილი საგნების, მათ შორის პარტნიორ უნივერსიტეტში მიღებული ნიშნების საშუალო შეწონილით (GPA);

10. სახელმწიფო გრანტის მფლობელი რეიტინგული სტუდენტის დაფინანსების დროს, დადგენილი წესის შესაბამისად, კალკულაცია ხდება სწავლის საფასურიდან, რომელიც რჩება სახელმწიფო გრანტის თანხის გამოკლების შედეგად.